

आकाशवाणी

खबरां विजय बजाज कोला

पैहले खास-खास खबरां:-

1. प्रधानमंत्री नरेन्द्र मोदी अज्ज नमीं दिल्ली च नारि-शक्ति वंदन सम्मेलन गी सम्बोधित करडन।
2. राष्ट्रपति द्रौपदी मुरमू अज्जै थमां गुजरात ते महाराष्ट्र दे चंऊ दिनें दे दौरे पर रौहडन।
3. मन्नी-परमन्नी दी प्लेबैक गायिका आशा भोसले हुंदा खीरी संस्कार अज्ज संग्रा 4 बजे मुम्बई दे शिवाजी पार्क च पूरे सरकारी सम्मान दे कन्नै कीता जाहग।
4. होर्मुज जल डमरु मध्य गी ब्लाक करने दी अमरीकी राष्ट्रपति डोनाल्ड ट्रम्प हुंदी घोषणा दे बाद अमरीकी सेना अज्ज ईरानी बंदरगाहें थमां समुन्द्री ज्हाजें दी आओ-जाई रोकने दी कार्रवाई शुरु करडन।
5. आई.पी.एल क्रिकेट च अज्ज हैदराबाद दे राजीव गांधी अंतराष्ट्री स्टेडियम च सनराईजिज हैदराबाद दा मुकाबला राजस्थान रॉयल्स दे कन्नै होग।

<><><><><><>

ते हून खबरा विस्तार कन्नै:-

<><><><><><>

PM -Nari Shakti

प्रधानमंत्री नरेन्द्र मोदी होर अज्ज नमीं दिल्ली च “नारी शक्ति वंदन” सम्मेलन गी सम्बोधित करगंन। राश्ट्रीय सतह पर आयोजित एह सम्मेलन मुल्खै गी तरक्की-बाददे दी बतै पर अगड़े लेई जाने च महिलाएं दी मती शमूलियत गितै वचनबद्धता गी होर मजबूत करोग। एह पंचैत कोला लेइयै संसद तगर सब्बनें स्तरें तगर शासन ते नेतृत्व च महिलाएं दी बधदी भूमिका गी उजागर करोग ते कन्नें गै फैसले लैने दी प्रक्रिया च महिलाएं दी अगुआई दे महत्वै गी उजागर करोग, ओ भूमिका ते नेतृत्व भाए पंचैत सतह पर होए जां फही संसद तगर। बक्ख-बक्ख क्षेत्रें च विशेष उपलब्धियां हासल करने आहली महिलां इस सम्मेलन च हिस्सा लै”करदियां न। सरकार शिक्षा क्षेत्र, विज्ञान, खेड्डें, उद्यमता, मीडिया, समाज सेवा ते संस्कृति क्षेत्रें च कम्म करने आहलियां महिला इस सम्मेलनच मजूद रौहगंन। “नारी शक्ति वंदन” सम्मेलन 2047 तगर भारत गी इक विकसित देश बनाने दी यात्रा च महिलाएं दी भूमिका गी स्पष्ट करोग।



Rijju -Nari Shakti

संसदीय मामलें दे मंत्री किरें रिज्जू होरें आखेआ ऐ कि मुल्खे दिएं महिलाएं कन्नें कीते गेदे वायदें- टालमटोल आहली राजनीति नैई बनी सकदे। अपनी इक सोशल मीडिया पोस्ट च उ’नें आखेआ कि अज्ज जिसलै “नारी शक्ति वंदन” कनून लागू करने दा समां आई गेदा ऐ तां केई चाल्ली दे सोआल पुट्टे जा’रदे न। रिज्जू होरें सीनियर लीडर ते राज्यसभा च विरोधी धड़े दे नेता मल्लिकार्जुन खडगे होरें गी चिट्ठी लिखी ऐ-

जेहदे च रिकार्ड च दर्ज तत्थें ते तुरत अगड़े बधने दी जरुरतें दा जिक्र कीता गेदा ऐ।
उ'नें आखेआ जे केंई दहाके सवां महिलां आरक्षण छड़ा इक वायदा बनीए रेही गेदा हा
ते एह टालमटोल आहली राजनीति दा शकार होंदा रेहा- पर मजूदा सरकार नै इस
वायदें गी सच करी दस्सने लेई जतन कीते ते अज्ज अस इत बक्खी इक महत्वपूर्ण
गेंह पुट्टा करने आं। उ'नें आखेआ जे 2029 कोला पैहले मुल्खै दी नारी शक्ति गी हर
क्षेत्र च नेतृत्व करने दा अधिकार थोहने जा' रदा ऐ जेहदी ओ हकदार ऐ।



Prez Visit

राश्ट्रपति द्रौपदी मुरमू अज्जै थमां गुजरात ते महाराश्ट्र दे 4 दिनें दे दौरे पर रौहगंन।
ओह अज्ज गजकोट च अखिल भारती आयुर्विज्ञान संस्थान दे पैहले दीक्षांत समारोह च
हिस्सा लैडन। राश्ट्रपति होर कल डाक्टर बी. आर. अम्बेडकर हुंदी जयंति पर गांधीनगर
दे लोकभवन च समाजी समरसता महोत्सव च शामिल होडन। एहदे परैन्त ओह
गांधीनगर च 5में दीक्षांत समारोह च शामिल होडन। बुधवारें राश्ट्रपति होर नागपुर एक्स
दे दुए दीक्षांत समारोह च शिरकत करडन। एहदे परैन्त ओह नागपुर च राश्ट्री प्रतक्ख
टैक्स अकैडमी च राश्ट्री राजस्व सेवा दे सेखतरु अधिकारिणं दे 78में बैच दे विदाई
समारोह च शामिल होडन। मगरा 16 अप्रैल गी ओह वर्धा च महात्मा गांधी अंतराश्ट्री
हिंदी युनिवर्सिटी दे 6में दीक्षांत समारोहो च बी हिस्सा लैडन।



Asha Bhosle

मन्नी-परमन्नी दी Play back गायिका आशा भोसले हुंदा खीरी संस्कार अज्ज संजा 4 बजे मुम्बई दे शिवाजी पार्क च पूरे सरकारी सम्मान दे कन्नै कीता जाहग। उन्दा काल कल मुम्बई दे ब्रीज- केंडी अस्पताल च 92 बरें दी उम्री च होई गेआ। छाती च संक्रमण ते कमजोरी दे चलदे आशा भोसले होरें'गी शनिवारें संजा'लै इक निजी अस्पतालै च भर्ती कराया गेआ हा। आशातांई दे नांs कन्नै बी मशहूर आशा भोसलें होरें गी पदम विभूषण ते महाराष्ट्र भूषण पुरस्कारें दे कन्नै सम्मानित कीता गेदा हा। उनें'गी खीरी श्रद्धांजलि उन्दे आवास लोअर परेल च स्थित कासा गांडे च बड्डलै 11 बजे दिती जाहग।



West Asia Conflict

होर्मुज जल डमरु म्ध्य गी ब्लाक करने दी अमीरकी राष्ट्रपति डोनाल्ड ट्रम्प हुंदी घोषणा दे बाद अमरीकी सेना अज्ज ईरानी बंदरगारें थमां समुन्द्री जहाजें दी आओ-जाई रोकने दी कार्रवाई शुरु करोग। अमरीकी मध्य कमान दे मूजब- ईरानी बंदरगाहें ते समुन्दरी कंडे आले इलाकें थमां औने-जाने आले सब्बनें समुन्द्री जहाजें पर एह कार्रवाई लागू होग। हालांकि गैर-ईरानी बंदरगाहें थमां लंगघने आले जहाजें गी आओ-जाई दी इजाज होग। होर्मुज च औने आलें गी इस निर्देश पर ध्यान देने ते अमरीकी नौसने दे कन्नै सम्पर्क रक्खने गी आखेआ गेआ ऐ। अमरीका दी इस घोषणा दे परते च ईरान दे Islamic Revolutionary Guard कोर नै चेतावनी दिती ऐ जे अमरीका जां ओदी

सैहयोगी सेना दे कुसे बी हमले दा करारा जोआब दिता जाहग। ईरान नै होर्मुज जल डमरु मध्य पर पूरे नियंत्रण दा बी दावा कीता ऐ। ईरान दे कन्नै शांति वार्ता नाकाम होने दे बाद अमरीकी राष्ट्रपति डोनाल्ड ट्रम्प होरें होर्मुज जल डमरु मध्य थमां ईरानी कब्जा तुरत हटाने दा हुकम दिता ऐ। उ'नें इसगी ईरान दी वसूली ते परमाणु महत्वकांक्षा पर रोक लेई जरूरी करार दिता। उ'नें मेद बुज्झी ऐ जे ईरान तौले गै अमरीकी शर्ते पर गल्लबात करोग।



EAM -UAE

वदेश मंत्री डाक्टर एस.जयशंकर हुंदा दंऊ दिनें दा संयुक्त अरब अमीरात दा सरकारी दौरा सम्पन्न होई गेआ ऐ। इस दरान उ'नें UAE दे राष्ट्रपति शेख मोहम्मद बिन जायद अल नाहयान हुंदे नै मलाटी करियै- प्रधानमंत्री नरेन्द्र मोदी हुंदा व्यक्तिगत संदेश उनें'गी दिता। बदेश मंत्री होरें अमीराती नेतृत्व दे कन्नै बी उच्ची सतह दी बैठकां कीतियां। इनें बैठके च ऊर्जा सहयोग गी मजबूत करने- बपार दे बाद्दे विस्तार ते दौनें देशें बशकार व्यापक रणनीतिक सांझ-भ्याली गी अगगे बधाने पर बी चर्चा कीती गई।



WB-Campaign

पच्छम बंगाल च विधानसभा चुना कोला पैहले प्रचार अभियान होर तेज होई गया ऐ। BJP दे सीनियर लीडर ते केन्द्री गृह मंत्री अमित शाह होर अज्ज बीरभूमि ते पच्छमी बर्धमान जिले च चुना प्रचार करगंन। ओ अज्ज दपैहरी बीरभूमि दे सैंथिया च ते ओहदे

बाद खैरासोल च चुनां रैलियें गी सम्बोधित करगंन। दपैहरी मगरा उन्दा पच्छमी बर्धमान जिले च ते शामी'लै दुर्गापुर च चुनां रैली गी सम्बोधित करने दा कार्जक्रम ऐ। तोंआई दुई बक्खी तृणमुल कांग्रेस प्रमुख ममता बैनर्जी अज्ज राज्य दे बक्ख-बक्ख हिस्सें च केई चुनां रैलियें च हिस्सा लैगंन। बड्डलै उन्दा बीरभूमि जिले दे सूरी च ते मगरा पूरबा बर्धमान ते शामी लै बाकुरा च रैलिएं गी सम्बोधित करने दा कार्जक्रम ऐ। ममता बैनर्जी अज्ज दपैहरी दुर्गापुर च बी रैली गी सम्बोधित करगंन।



IPL Cricket

आई.पी.एल क्रिकेट च रॉयल चैलेंजर्स बेंगलुरु ने मुम्बई इंडियन्स गी कल रातीं वानखेड़े स्टेडियम च 18 रन्जें कन्नै हराई दिता। आर.सी.बी दे 241 रन्जें दे लक्ष्य दा पिच्छा करदे होई मुम्बई इंडियन्स 5 विकेटें दे नुकसान पर 222 रन्ज गै बनाई सकी। आर.पी.बी दे सुयश शर्मा ने 2 विकेटां लैतियां। एदे शा पैहले बल्लेबाजी करदे होई आर.सी.बी नै 20एं ओवरें च 4 विकेटां मुहाड़यै 240 रन्ज बनाए। सलामी बल्लेबाज फिलिप साल्ट ने 78 रन्जें दी शानदार पारी खेड्डी- जिसले के विराट कोहली ते कप्तान रजत पारीदार नै अर्धशतक पूरे कीते। Phillip Solt गी प्लेयर ऑफ द मैच घोषित कीता गेआ। इक होर मैच च गुजरात टाइटन्स ने लखनऊ Super Giants गी 7 विकेटें कन्नै हराई दिता। 165 रन्जें दे लक्ष्य दा पिच्छा करदे होई गुजरात टाइटन्स नै शुभमन गिल ते Joss Butter दे अर्धशतकें दी बदौलत 18 ओवरें ते 4 गेंदें च गै लक्ष्य हासल करी लैता। IPL च अज्ज संजा साड्डे 7 बजे हैदराबाद च Sunrises Hydrabad दा मुकाबला राजस्थान रॉयल्स कन्नै होग।